

KI LANMOUR KI EGZISTE ANT DOYACE EK LYDIA APRE SA TELENOVELA PAT/WAVEL?

Dan PPB Merkredi swar, kandida LDS pour Grand Anse Mahe, Doyace Porice in esey re-anmenn lensidan delo sal ki ti arive La Misere 2010.

Enn son siporter, Lydia Jumeau in menm vin dir ki gouvrenman pa'n fer nanryen. Eski Lydia pa ti parmi bann ki ti al pran larzan ler lakonpanyen ASCON ti deside donn konpansasyon sak lakaz ? Ti annan environ 150 lakaz antou ki ti benefisyé. Detrwa dimoun ti tonm malad akoz sa delo sal. Me, apre ki bann famiy ti remark sa, zot ti aret servi sa delo.

Gouvrenman in depans an tou 4 milyon rroupi pour ed bann fanmiy ki ti ganny afekte.

Sa problem pa ti souleve pandan eleksyon prezidansyel 2011 e osi 2015. I prouve ki Doyace i vremen dezespere. I bliye i en ipokrit ki fek dir Wavel in ganny malediksyon e ki li i pa'n zanmen dakor ek Wavel. I maltret lidershyp sa parti ki swadizan i pe reprezante. Apre i mont lo televizyon e fer komedi delo sal.

Enpe letan pase, Lydia Jumeau, sa gran siporter ansyen SNP ki ti koz pour Doyace Porice Merkredi swar, ti deza al

rankontre Pat Pillay, lider Lalyans Seselwa ki ti be debout andeor son biro kot Bodco. Lydia ti dyalog environ 15 minit ek Pillay. Me, i paret ki Pillay pa ti konn li. Osito ki i ti anbank dan son loto pour ale, Pillay ti demann ek dimoun ki ti osi la: Lekel li sa fanm. En dimoun ti reponn: "Lydia Jumeau".

Pat ti reponn: Ah, li menm li ki zot apel Madanm delo kaka?" sa temwen in rakont PPLUS.

De tout fason Lydia pe koz pour Doyace kan Doyace in trai Wavel. Kimanyer i apele tousala?



VOTE



Produced, Published by the **PARTI LEPEP.**

Tel: 428 49 00 P.O.Box 1242, Victoria, Mahe, Seychelles. Printed By **NISA PRESS.**



BANN AKTIVIS

ANSYEN

En group aktivis ansyen SNP ek Lalyans Seselwa ti raport kot biro 'People' pour fer met dan papye ki zot dezapwente ek zot liderz e ki zot pa pou vote oswa zot pou vot Parti Lepep.

SNP/LALYANS

PA POU VOTE LDS

Kat ansyen SNP in dir ki si Wavel pa pronons son lekor lo sa bann traizon ek ipokrizi ansyen Lalyans Seselwa, zot pa pou al vote e zot pou demann siporter pour gat zot vot. Pli move si i kontinyen danse lo stage politik avek Pat Pillay, Simone Decommarmond, William Herminie, Ahmed Afif, Noellie Alexander- bliye vot.

De ansyen Lalyans i dir zot dezapwente ek kalite liderz ki ti dan Lalyans e ki zot in prouve piblikman ki zot vremen bann dimoun pa bon. Zot annan move lentansyon pour lezot. E ki zot pare pour

fer nenport kwa pour anmenn zot azanda devan, ki enkli vann zot avek LDS.

Enn bann ansyen SNP vokal e vremen ankoler ti dir ki Wavel in vann zot dan en mouvman ki apel LDS, la aprezan olye li tonm litousel, zot osi zot pe ganny pran pour boufon ansanm ek li. Zot in swiv ansyen SNP pour en bon pe lannen la aprezan, bann ansyen SPPF ki'n vin savir zot bato.

En lot dan sa tim aktivis ansyen SNP i dir ki lontan sa parti ti'n dwatet rod en lot lider akoz Wavel i vremen pa sa dimoun ideal akoz parey sa bann video pe dir, Wavel

tro arogan e i pa'n fer nanryen pandan plis ki 20 an koman en lopoziyon. « Tou travay i kit pour bann dirizan Parti Lepep. Li zis in koz gro labous, fer en pake tapaz koumsamenm. Pandan tou sa lannen zis bann gro sef ki'n benefisyé, nou bann aktivis e siporter zis nou swiv. Led Parti Lepep ki donn nou. »

Alors Wavel Ramkalawan, debout devan ou siporter e pronons ou lekor kont sa bann tret ki pe kontinyelman asasin ou karakter e sali ou limaz. Ou vremen pli gran

(kont...p3)

BANN KANDIDA LALYANS FER ZOT PROP DEBROUY

Kot narive bann kandida Lalyans pou bezwen fer zot prop debrouy. Sa swadizan lyon, fatigue, ankol-er, dezapwente e vreman dan sok Arpan Ver, in sakouy son lake. Pa pou gann-nyen larzan kanpany. Pa pou gann-nyen okenn sipor. Eksa Pat Pillay in dir : «..

fodre fer en uproar dan sa distrik. Fodre tir sa reprezantan.” Vi ki i ti pe marlparl Wavel, ki ti plan Pat Pillay ek son tim kont Wavel dan English River? Sa telenovela in vin degoutan pour lopoziyon. Seselwa dir mersi ki Desanm Prezidan Michel ki’n ganny

son eleksyon pour kontinyen garanti zot progres, stabilite e linite dan nou pei. Lopoziyon ti pe vin lager antre zot, e konsekaman anmenn vyolans ek divizyon parmi nou popilasyon akoz zot voras, egois, zalou kanmarad, e zot leker i ranpli ek rankin, e vanzans.

PARTI LEPEP KI ANNAN PASYANS

Pat Pillay in fer kler ki tou sa letan ki i pe danse lo stage LDS, li ek son tim ansyen Lalyans zot in toultan annan zot dezyenm azanda. Zot pa’n zanmen kontan SNP ek Wavel. Zot in toultan pe zis servi Wavel ek SNP koman peron pour zot pous zot azanda pour Lalyans. Me Pat Pillay, gran ipokrit, defas e atoufer, pasyans Parti Lepep ki annan. I’n les ou trai li ek son

bann dirizan. I’n esper ou pran ou lakord oumenm e met dan ou prop likou. La ou pe danse parey sa vye proverb kreol i dir « dyab i danse dan delo beni. » Wavel ti’n sitan ganny anbete par sa bann ansyen SPPF ki i pa ti menm remarke ki Pat pa mete sa triko LDS. Wavel in sey met son lennmi pli pre, me zot in sitan zwe zot rol ; dans plis, pil plis, e menm flat Wavel plis ki tou dimoun ki in

tonm dan zot lanbetman. Saler zot ti pe fil li lakord dousman dousman apre pour zot savir li, zis parey an Desanm zot in fil lakord ek bann detrwa siporter Parti Lepep ki ti krwar Lalyans i annan lentera lezot a ker. Saler zot pe servi lezot, parey zot in servi Wavel pour zot ariv kot pye lafous. Finalman Lalyans menm ki’n fer zot siporter al dormi boner.

AHMED AFIF OSI I DAN TIM TRAIZON

Ler nou kontinyen swiv sa bann video ki pe ganny poste lo medya sosyal ki Pat Pillay in admet in ganny rikorde par bann dimoun ki ti dan ansyen Lalyans Seselwa, nou war ki zot tou zot ti ansanm. Ahmed pe zwe poli kan li osi i ti dan tim malparle. Zabitan Anse Etoile atansyon kameleon parmi zot! I mont lo televizyon dan resanz en gran ipokrit e dir ki an 2007 saler MNA

ti ogmante avek lakor tou le de parti. Sa letan la SPPF ek SNP. I osi dir ki selman saler MNA Parti Lepep ti ogmante an 2013, me i pa dir ki pansyon son bann dalon, ki enkli bann ansyen minis ki’n trai Parti Lepep e la pe trai Wavel, ti osi double anmenmtan. Par egzanp, saler Wavel ti monte sorti R25, 200 pour vin R45, 964. Vwala latab pour montre en pe son ipokrizi.

I KOZ LO SALER MNA ME I PA DIR PANSYON SON BANN DALON OSI TI DOUBLE

BANN AKTIVIS ANSYEN SNP/LALYANS PA POU VOTE LDS

(kont...p1)
boufon akoz Pat Pillay ek son tim in asiz lo menm latab avek ou, koze riye ek ou kan saler zot ti annan en lot azanda. Zot ti annan en plan pour menm tir ou English River, e si par mirak ou ti pou antre dan Lasanble zot pou tir ou. Zansla pa’n zanmen oule ou. E sa kalite traizon i montre laenn dan tou son splander. La ki ou pou fer? Nou’n fatigue dir zot ki zot pe trenn en kales kase dan montanny !

Name	Period 1 (Before new salary band)		Period 2 (After new salary band)		
		Per month	Per month	Total	GRAND TOTAL
Wavel Ramkalawan	Aug 2011 - June 2014	25,200.00	45,964.50	1,103,148.00	1,959,948.00
Bernard Georges	Aug 2011 - June 2014	7,877.50	23,527.56	564,661.44	832,496.44
Nicholas Prea	Aug 2011 - June 2014	6,850.00	20,265.63	486,375.12	719,275.12
Regina Alcindor	April 2007 - June 2014	4,966.25	17,631.09	423,146.16	1,267,408.66
Anthony Derjacques	Aug 2011 - June 2014	4,452.50	12,924.44	310,186.56	461,571.56
Norbert Loizeau	Aug 2011 - June 2014	3,350.00	9,650.86	231,620.64	345,520.64
Francis Cupidon	April 2007 - June 2014	2,911.25	10,044.77	241,074.48	735,986.98
Gerard Julie	April 2007 - June 2014	2,911.25	10,044.77	241,074.48	735,986.98
Sandy Arrisol	Aug 2011 - June 2014	3,356.50	9,650.86	231,620.64	345,741.64
			Jan 2015 - July 2016	179,624.10	179,624.10
Jean-Francois Ferrari	Aug 2011 - June 2014	6,028.00	17,664.80	423,955.20	628,907.20